

緬想神仙路 逍遙上大羅

焚燎

靈寶領教濟度金書卷之八十三

靈寶領教濟度金書卷之八十四八十五 盤

洞微高士開光啟苦真人靈寶具錄

靈寶通玄弘教水南先生林靈真編

科教立成品青玄黃錄

青玄暨攝儀

步虛 洒淨

上香

具位具位謹焚寶香虔誠供養

太上元極大道東極青玄老君太乙救苦天尊  
尊運明保元上帝十方分身應化救苦天尊

大慈大悲救苦真人大慈大悲大惠真人十  
方十華真人九司聖眾三界應感一切真靈

伏以天網地紀競聖惡以裁成陰緯陽經運  
神機而化育圓蓋耀三華之彩方與澄六合  
之氛曰精曰烈曰神既幡然開幽而下邁惟

玄惟元惟始斯煥乎乘神而上征遠離芬葩  
徑躋寒廓自業風而鼓動致昏霧以沈迷鑿

開七竅以蕩天和狂瀾自倒逞縱六淫而滋  
人偽汎駕誰羈茫茫陰暗之鄉望望陽明之  
界是以

青玄教主黃籙法王體清微之慈悲開黑單

之惠澤三塗五苦經惟演於香林六洞十官

教遂彰於華座號尊救苦攝列遷神俾離九

幽之昏蒙疾證一朝之快樂今有齊主某崇  
建

青玄黃籙妙齋開度某恭依寶笈爾建華幡  
百尺朱竿象飛龍之天矯千尋丹轂等舞鳳

之翩翻上參碧落而光接妙巖下耀黃埃而

影搖澤壘晚風煙拂曉日雲籠即俾亡過某  
感此彷徨親法橋而直上從茲解悟認華表

以歸來徑詣青華獲超朱火雲鑄振響月啓  
朗揚靈光混合於十華梵炁彌敷於九軌宜

旌寶範共快靈遊清衆運心至誠奉請  
太乙救苦天尊  
志心奉請

東方玉寶皇上天尊惟願真光下映混合華  
幡隨風飛揚直向東方風雷地獄今諸罪人

自識宿命悔過知新乘此幡光徑登長樂大  
慈大悲尋聲救苦來无上尊  
靈幡搖曳淡無光 回指風雷耀震方

幽夜春生游奕樂 超凌惠淨耀東方

和不可思議功德

志心奉請

南方玄真萬福天尊惟願真光下映混合華  
幡隨風飛揚直向南方火箭地獄令諸罪人

自識宿命悔過知新乘此幡光徑登長樂大  
慈大悲尋聲救苦來无上尊

靈光鬱勃映華幡 遙指南郊火箭寬

倏忽來宸端化境 萬塵風散永歡顏

和不可思議功德

志心奉請

西方太妙至極天尊惟願真光下映混合華  
幡隨風飛揚直向西方金剛地獄令諸罪人

自識宿命悔過知新乘此幡光徑登長樂大  
慈大悲尋聲救苦來无上尊

靈幡高掛太虛中 遙接展輝添彩卷

風指金剛開鐵壘 遊精接武觀金容

和不可思議功德

志心奉請

北方玄上玉晨天尊惟願真光下映混合華

幡隨風飛揚直向北方溟泠地獄令諸罪人

自識宿命悔過自新乘此幡光徑登長樂大

慈大悲尋聲救苦來无上尊

玉晨妙炁貫幡雲 鼓舞天風遍八垠

下指溟泠提苦爽 眞靈飛步映華津

和不可思議功德

志心奉請

東北方度仙上聖天尊惟願真光下映混合

華幡隨風飛揚直向東方錢湯地獄令諸

罪人自識宿命悔過知新乘此幡光徑登長

樂大慈大悲尋聲救苦來无上尊

天光幡影共徘徊 飛舞晴空日萬回

鬼戶錢湯都指破 快登長樂戲春臺

和不可思議功德

志心奉請

東南方好生度命天尊惟願真光下映混合

華幡隨風飛揚直向東南方銅柱地獄令諸

罪人自識宿命悔過知新乘此幡光徑登長

樂大慈大悲尋聲救苦來无上尊

好生眞惠降慈輝 照映華幡指異維

威息寒庭銅柱折 碧霞妙域甚歡嬉

和不可思議功德

志心奉請

西南方太靈虛皇天尊惟願真光下映混合  
華幡隨風飛揚直向西南方屠割地獄令諸

罪人自識宿命悔過知新乘此幡光徑登長  
樂大慈大悲尋聲救苦來无上尊

靈幡縹緲向坤維 影湛天光萬象輝

下照幽囚屠割息 登眞御景侍宸儀

和不可思議功德

志心奉請

西北方無量太華天尊惟願真光下映混合  
華幡隨風飛揚直向西北方火車地獄令諸

罪人自識宿命悔過自新乘此幡光徑登長  
樂大慈大悲尋聲救苦來无上尊

光搖幡影舞雲霄 六合迴旋拂曉颺

澤潤火車甘露溢 神超妙道永逍遙

和不可思議功德

志心奉請

上方玉虛明皇天尊惟願真光下映混合華

幡隨風飛揚直向上方普掠地獄令諸罪人  
自識宿命悔過知新乘此幡光徑登長樂大  
慈大悲尋聲救苦來无上尊

幡緣風勢任低昂 上接明皇百寶光  
苦真提携實善掠 紫霄妙域恣翱翔

和不可思議功德

志心奉請

下方真皇洞神天尊惟願真光下映混合華  
幡隨風飛揚直向下方泥犁地獄令諸罪人  
自識宿命悔過知新乘此幡光徑登長樂大  
慈大悲尋聲救苦來无上尊

華幡曲映接靈禪 下照黃庭鬱絕區  
寂寂沈犁都解脫 水蓮聖境樂天畿

和不可思議功德

幡隨風舞若河漢之迴還風逐幡飛猶虹蜺  
之瞻映八荒普逾萬目威瞻以天尊微妙之  
光凌虛接引開地禁冥濛之暗乘景超騰妙豆  
三際而故舊仙飛薄十華而遊精御炁均辭  
北朔升觀東諸靈猶開度神呪宣揚  
天尊開度三界十方 四生六道 咸到道場

生神遷魄 萬劫不忘 播之為體 隨風飛揚  
風之所被 各從其方 泉曲之府 寒夜之鄉  
地獄鐵鬼 旁及無執 皆得解脫 上升天堂  
向來豎播功德悉已 周圓伏願真功廓落泉曲  
日昭融出重陰夜壑之區 班朝御離泉曲  
寒庭之域 肆觀龍宸天寶泉灌沐於形神空  
青枝沾濡而亦武俾亡故基永離苦趣疾蹈  
樂邦與道合真永不經於輪轉隨劫受化常  
克觀於光明普龍仙人死以均歡極動植飛  
潛而並樂道恩遐被法界均沾為如上緣志  
心稱念三清無上天尊十方靈寶天尊九幽  
拔罪天尊太乙救苦天尊不可思議功德

向來  
告符追攝儀  
靜默堂序立  
華夏至道前  
上香長跪

具位 某誠惶誠恐稽首頓首再拜上言  
聞青玄妙境幹經緯之神機 黃籙靈曹握死  
生之靈籙法雨膏濡於三際 慈風鼓動於九

幽凡聲懸析必蒙感應以今奉為善修建其  
齋切慮亡故某身榮業垢心烟客塵二豎揚  
威痛形神之候散三彭肆志驚魂魄以何之  
六道支離四生展轉匪沛陽輝於東極局超  
陰爽於北單 等身代天工心禪帝化騰真  
丹谷融離坎以神交願景玄風朗乾坤而聖  
照願降追魂之寶籙遍頒攝魄之金符煥耀  
羅鄴開明泉曲囊封露奏已煥紫於玄曹駟  
騎星馳諒飛丹於黑鬱茲仰召役盍整懸祈  
欲望丙鑿初忱申錫終惠救夜先召魂之吏  
疾赴芝壇命嚴攝追魂之曹恪承藥簡容臣  
運神會道飛英召真灌二景於玄窈策七靈  
於幽域即俾亡故某超華幽暗飛步靈光潔  
己朝元養聽法音而快樂泉晨御炁邀翔道  
域以道運遂微 開度之忱副齋立皈依之  
懇 無任激切懇祈之至謹再拜稽首以聞  
贊引至告符所

酒淨  
上香

伏以蒼林御化九垓鼓動於慈恩青極垂文

伏以蒼林御化九垓鼓動於慈恩青極垂文

伏以蒼林御化九垓鼓動於慈恩青極垂文

伏以蒼林御化九垓鼓動於慈恩青極垂文

伏以蒼林御化九垓鼓動於慈恩青極垂文

伏以蒼林御化九垓鼓動於慈恩青極垂文

三際裁成於睿澤左右建黃錄之職陰陽分  
 玄局之曹上統朱陵下提黑鬱秘夜壑羈沈  
 之典開天庭流曳之魂體道與仁憲天博愛  
 凡昭昭而應感必切切以皈依今齋主其提  
 控真魂返還祖炁煥金籙飛龍之令已顯天  
 關頒玉章驛馬之文期開地戶茲伸召役諒  
 赴懇祈欲望月翻翩翩承真光而來格風與  
 泛泛乘梵炁以俄臨普集蘭場恪敬菲薦清  
 衆運誠虔恭奉請

志心奉請青玄黃錄東華上命夜光召魂神  
 司玉女判吏走雲飛天紀地吏引魂司太乙  
 真光引魂玉女使者童子符吏捧香符吏赤  
 光三炁寶真化魂將軍童子玉女神吏尋魂司  
 六道尋魂使者追魂司追魂急速使者靈官  
 將吏功曹懺魂飛雲使者靈官將軍功曹九  
 天普度院三十六真人三十六將軍守雄抱  
 雌八大神將三界追魂使者本靖主將副將  
 護道監壇諸省府院司追魂將吏州縣城隍  
 司主者當境土地里域真官司命六神惟願  
 雲車仙仗俯降來臨今日今時召魂顯現

初獻

伏以天地御陰陽昭聖功之妙密精神致魂  
 魄承靈景之輝華雖跡定慧之圓重藉靈威  
 之大欽惟英武實位慈仁切佩陸離控玉龍  
 而動搖山嶽旌麾赫奕奔金馬而震蕩乾坤  
 翠蓋風行黃輿雷掣手提神救檢三界以威  
 尊身負威靈檄萬神而拱聽敷書朱府職領  
 玄曹今齋主崇建寶齋開度其深慮世垢  
 交周客塵互涉幽關流蕩冥心六道之循環  
 沉壘羈維縱意四生之輪轉魂茫茫而孰訴  
 魄杳杳而誰憐匪藉提携曷期超邁領導火  
 令乘天尊百寶之光膚炳金鋒廓地禁九幽  
 之暗疾開關而啓路即毀鎖以張門永離鬼  
 官有侍衛送迎之喜各恭帝憲無拘留逼合  
 之憂庶朝

帝闕以翔翔免墮神鄉之寥泲潔獨禱祭鋪  
 設芳筵莫備物於豆籩諒鑒忱於莖蕡其不  
 勝激切之至

亞獻

伏以開生塞死迎道力於金華度陰還陽藉

神功於碧落既九司之真曾建設宜八紘之  
 洪澤宣揚切慮上件亡魂厭世以來捨身之  
 後或在人天二路或沉地水兩途或三塗五  
 苦之拘維或六洞十官之考對或東嶽七十  
 四司究機未釋或北酆八十一獄罪網高張  
 或善道惡道之周旋或正生旁生之展轉或  
 山林之寄迹或里社之留形悉憑明檢之威  
 庸釐疾提之力六甲開道五靈司隅依女青  
 抽魂之條克時定令遵太素命靈之律復舊  
 運形返故魂於華糖朝元神於玉陸倘有過  
 截當東送於雷霆恪莫會揚庶昭宣於雨露  
 莫殫鵲橋庸莫鑿敵

終獻

宣籙

宣符

宣牒

帝命有嚴神聽母忽排空御炁垂入地以升  
 天奔雲追風即挾山而起海普攝承流之曹  
 局根尋應度之魂靈寶鑿繞開靈播疾現毋  
 違壇律自速天常信誓詳詳恪希應感其不  
 勝傾倒之至

送聖  
焚燎 向來

靈寶領教濟度金書卷之八十四

靈寶領教濟度金書卷之八十五

洞微高士開光救苦真人審金其授  
靈寶通玄弘救水南先生林雲其編

科教立成品青玄贊集  
救苦齋用

分燈儀

靜默堂序立

贊引至道前

法師啓白

具位日主誠謹誠恐稽首頓首再拜奏啓

東極青玄老君太乙救苦天尊運明保元上

帝仰真容慈俯垂省覽日開陽光煥奕疑生

系於東華陰景濛濛結陰氣於黃壤沉六趣

之迷雲昏昧與三塗之密霧沉靈匪賴天恩

曷開地禁是以青玄救苦黃籙垂慈建上命

夜光之司昭明列壘頒察命開光之吏照灼

重泉俾承太乙之真輝俯燦大千之妄垢神

功克著妙用難量今有齋主某敷列瑤壇肅

然寶炬上明綠界增經緯之榮煌中映黃畿

添通遐之璀璨下通鬱絕旁洞羅靈俾寒庭

無考對之聲乘晨有賴庶幽壑絕繫維之苦

離夜無拘悉依百寶之光永證三華之耀巍  
巍功德赫赫威權清眾運誠加持燈果

太乙救苦天尊

晃耀晨輝 飛空八衣 清微之炁 玄瑩祥儀

華英翁鬱 洞章正旋 安鎮玉房 生發善津

回轉冥官 丹迎軸飛 苦道有復 一靈所歸

青華帝君 與臣俱隨 光明徹映 萬劫生輝

和不可思議功德

道生一以分三開明三景炁舍三而為九照

映九幽蘭膏煥爛於金華蓮液腫脹於寶鼎

翔鳥擷兔象日月之飛芒躡虎舞龍恍虹蜺

之映彩十華朗照八極流明見之者萬罪風

清證福鄉而晃朗千究水釋登道岸以優游

俾昏衢成不夜之天而苦趣幻長春之景日

等仰依惠力密輅威光願闢法界之沈淪悉

煥生方之快樂見前清衆請為分輝

流光法界天尊

道眾分點內外燈周遍

向來諸光分燈功德周圓伏願燈燈高映景

景通明窮三際以光明巨十方而朗徹四生